

tiam hominis contaminant, quo casu Essentia humana corrupta quidem est, sed ipsum tamen peccatum non est. Cui ex præcipitantiâ olim adserto adhærebat Flacius. Regeneratur verò Substantia, non peccatum originale, quod quidem adhuc adhæret, sed supprimitur, ne prædominari possit. Sic paleæ atque lolium frumentum etiam vitiant, sed prudens Paterfamilias eo posthabito, *tritium* in suos vertitere novit usus. Deus etiam Hominem regenerat, salvumque tenet, suo loco relicto peccato originali. Simili ratione Eliæ & Christi temporibus septem millia, imò plurimi, qui *promissionem Patris* expectabant, servabantur, etsi Propheta se solum relictum arbitraretur, sic etiam Christus à fermento Pharisaico, Matth. XVI. 6. XXIII. 15. cavere jubet, mandans tamen omnia, non hæretica illa, sed Levitico - Typica atque moralia dogmata, Lege & Evangelio comprehensa, tenere. Ita fidari posset casus, ut *Socinianus* aut *Arianus*, nudo nomine non realis, solâ *infirmitate percitus*, cœtibus istis externe & de facto adhuc adhæreret, clam tamen meliora edoctus, *Trinitatem* sanctè coleret, *Meritum* divini *Redemptoris* gratus de veneraretur, eum hæreticæ quidem Sectæ, sed non ejusdem sensus ac damni compotem, quanquã ne sic quidem ab omni etiã periculo liberum futurũ esse censerẽ. Sed talis modi exempla nondum hæctenus ostensa sunt, nec adeò faciunt regulam! Si tamen *Fridlibius* hâc ratione se expediret, non habiturus esset facilè contradicentes. Ipse verò Charitatem tantum urget, ac cætera pro cerebrinis saltim habet. Ita in *Papistica Ecclesia Natis* atque *Educatis*, eamque pro unicè verâ agnoscentibus, quamdiu *Baptismum* cum *Bibliis* prælectis habent, semen Ecclesiæ adhuc inesse putem, modò absit fucus atque malitia, quæ voluntariorum ut plurimum *Apostatarum* est,

est,